

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U BOSANSKOJ KRUPI

Broj: 018-0-Su-23-000 289/12

Dana, 26.09.2023.godine

U skladu sa članom 64. stav (1) tačka b) i člana 70. Zakona o javnim nabavkama («Službeni glasnik BiH» br. 39/14 I 55/22), a na preporuku Komisije za provođenje postupka javne nabavke koja je formirana Rješenjem broj: 018-0-Su-23-000 289/2 od 21.07.2023.g., u postupku javne nabavke radova – molersko-farbarskih radovi u zgradi suda u Bosanskoj Krupi, predsjednik Općinskog suda u Bosanskoj Krupi d o n o s i:

O D L U K U
O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za nabavke broj: 018-0-Su-23-000 289/11 i Ugovor za nabavku/izvođenje molersko – farbarskih radova, dodjeljuje se najpovoljnijem ponuđaču „METAL Z“ D.O.O. Zavidovići, ulica Radnička br.13., Zavidovići, za ponuđenu cijenu **od 21.900,00 KM (slovima: dvadesetjednahiljadadevetstotina 00/100) bez PDV-a.**

Član 2.

Ponuđač iz člana 1. ove Odluke dužan je da u roku od 5 (pet) dana od prijema ove Odluke dostavi dokumentaciju iz člana 45. stav (2) tačka a) do d) Zakona o javnim nabavkama odnosno iz tačke 2.2.2. Tenderske dokumentacije za konkurentski zahtjev za dostavu ponuda.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku će se dodijeliti drugorangiranom ponuđaču, u skladu sa članom 72. stav (3) Zakona o javnim nabavkama.

Član 3.

Prijedlog Ugovora o izvođenju molersko-farbarskih radova, dostavit će se na potpis izabranom ponuđaču u zakonskom roku.

Član 4.

Ova Odluka objavit će se na web-stranici ovog Suda, istovremeno sa upućivanjem iste svim ponuđačima koji su učestvovali u ovom postupku.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je donošenjem Odluke o ponovnom pokretanju postupka javne nabavke radova putem konkurentskog zahtjeva za dostavu ponuda, koju je donijela predsjednica suda pod brojem: 018-0-Su-23-000 289/7 od dana 29.08.2023. godine, a kao kriterij za izbor najpovoljnije ponude izabrana je najniža cijena. Obavještenje o nabavci je objavljeno na Portalu javnih nabavki dana 30.08.2023.godine pod brojem: 5970-7-3-27-3-4/23, zajedno sa tenderskom dokumentacijom. Procijenjena vrijednost predmetne javne nabavke je utvrđena na iznos od 24.000,00 KM (dvadesetčetirihiljade KM) bez uračunatog PDV-a.

Rješenjem o imenovanju komisije za nabavku, broj: 018-0-Su-23-000 289/2 od 21.07.2023.godine imenovana je komisija te utvrđene njene nadležnosti, a koje između ostalog

uključuju javno otvaranje ponuda, pregled i ocjenu dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača. U skladu s tim, Komisija je u okviru svojih nadležnosti i ovlaštenja blagovremeno provela predmetni postupak javne nabavke te o tome sačinila Zapisnik o pregledu i ocjeni dokaza u kojem je konstatovano:

- da je tendersku dokumentaciju preuzelo 8 ponuđača,
- da su do utvrđenog roka za prijem ponuda pristigle 3 (tri) ponude i to: „METAL Z“ d.o.o. Zavidovići, „DIZDAREVIĆ-MERC“ DOO Bosanska Krupa i DOO „EURO COP INVEST“ Bosanska Krupa,
- da je javno otvaranje ponuda izvršeno 14.09.2023.g. u 13:30 i da nije bilo predstavnika ponuđača niti trećih lica,
- da je izvršila pregled prispjelih ponuda i utvrdila da su sve tri pristigle ponude kvalifikovane i prihvatljive, potpune te da ispunjavaju uslove i zahtjeve iz tenderske dokumentacije,
- da je zakazala i provela e-aukciju dana 25.09.2023.godine i utvrdila konačnu rang-listu ponuđača koji su učestvovali u postupku javne nabavke u e-aukciji, kako slijedi:

r.br.	Naziv ponuđača	IDB/JIB	Konačna cijena u KM bez PDV	Umanjena cijena	Rang
1.	„METAL Z“ DOO Zavidovići	4219072940004	21.900,00 KM	8,67%	1
2.	DOO „DIZDAREVIĆ - MERC“ Bosanska Krupa	4263221540005	22.000,00 KM	8,3%	2
3.	DOO „EURO COP INVEST“ Bosanska Krupa	4263827930003	23.256,00 KM	3,1%	3

* označava približnu vrijednost procentualnog umanjenja nakon zaokruživanja na dvije decimale.

- i da je nakon provedenog postupka Ugovornom dala preporuku za izbor najpovoljnijeg ponuđača, a to je firma „METAL Z“ DOO Zavidovići koja je u ovom postupku ponudila najnižu cijenu

Predsjednica Suda je izvršila uvid u dokumentaciju spisa ovog postupka te pristupila konačnom donošenju odluke. Kod donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača i njihovih ponuda shodno kriterijima iz Tenderske dokumentacije, da je postupak odabira ponuđača provela u skladu sa odredbama Zakona o javnim nabavkama, te da je dala i svoju preporuku za odabir ponuđača prema rezultatima ovog postupka.

U postupku ocjene provedenog postupka predsjednica Suda nije našla razloge, nepravilnosti ili propuste u radu, koji bi eventualno bili osnov za ne prihvatanje preporuke Komisije za provođenje postupka javne nabavke.

Na osnovu tako utvrđenog stanja, donesena je odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi putem ovog Ugovornog organa, na način i u rokovima popisanim članom 99. i 101. stav (5) Zakona o javnim nabavkama.

DOSTAVLJENO:

1. Ponuđačima
2. Računovodstvo Suda
3. a.a.



PREDSJEDNICA SUDA

Ezić Munévera